

Q.S.I.P. "Sinniisoq"

Qaqortumi Sulinermik Inuussutissarsiupeqartut Peqatigiiffiat

Postboks 29 • Augo Lyngesvej B – 1050 • 3920 Qaqortoq

Telefon: 642442 Mobil: 493206 Fax: 641231 e-mail: qaqortoq@sip.gl

Allaffiup ammasarnera: Ataasinng.-Tallimang. 10:00-14:00 Pingasunngorneq- matoqqasarpoq.



4 maj 2017

ilisimatitissut

Qaqortumi Sulinermik Inuussutissarsiupeqartut Peqatigiiffiat **Q.S.I.P "Sinniisoq"** 3 maj 2018 ileqqusumik ataatsimeersuarnerani siulersuisunngortut ima inissipput.

Taakkulu ukiuni 4-mani atasussatut qinerneqarput.

Kiisalu nutaanik malittarisassaqalerluni ilanngussatut ilannguppakka.

Siulittaasoq

Siulittaasup tullia

allatsi

Siulersuisunut ilaasortaq

Siulersuisunut ilaasortaq

Siulersuisunut sinniisussaq 1

Siulersuisunut sinniisussaq 2

Jacob G-Motzfeldt

Paarnannguaq Tittusen

Føbe Davidsen


Naduk Brønlund

Dorthinguaq Brønlund

Paninguak` G-Motzfeldt

Josva Kielsen

Inussiarnersumik



Q.S.I.P "Sinniisoq"

Siulittaasoq:


Jacob G-Motzfeldt

Mobil: 49 32 06

E-mail: qaqortoq@sip.gl

Jacob G-Motzfeldt


Siulittaasoq



SIP Qaqortoq



Peqatigiiffiup Malittarisassai



Q.S.I.P "Sinniisoq"

Qaqortumi Sulinermik Inuussutissarsiateqartut Peqatigiiffiat

Allanngortinneqartut maj 2018

§ 1

Peqatigiiffiup taagutaa sumiiffialu

Q.S.I.P "Sinniisoq"

Qaqortumi Sulinermik Inuussutissarsiuteqartut Peqatigiiffiat

Q.S.I.P "Sinniisoq"

Posbox 29

Augo lyngesvej B-1050

3920 Qaqortoq

Telefon: 64 24 42 - mobil nr: 49 32 06 - Fax nr: 64 12 31

E-mail qaqortoq@sip.gl

§ 2

Q.S.I.P "Sinniisoq"-p suliniutai

Q.S.I.P "Sinniisoq" (*Qaqortumi Sulinermik Inuussutissarsiuteqartut Peqatigiiffiat*) **SIK**'p immikkoortortarivaa, taamaalilluni **SIK**'p isumaqatigiissutai suliniutaalu sulissutigissallugit Peqatigiiffik pisussaaffeqarpoq.

Imm. 1 **Q.S.I.P "Sinniisoq"** Sinerissami **SIK**-p immikkoortortaarfii, **SIK**-llu allattoqarfia qanimut suleqatigissavai, ilaasortanullu sulississussaalluni.

Imm. 2 Peqatigiiffiup sullitassarai ilaasortat, ilinniartut, sulisartut, lærlinngillu, suliffimmi akissa-asersugaanerat, suliffiullu peqqinnartuunissaata qulakkeernisaanut aqqutissiuusseqataasassalluni

Imm. 3 Peqatigiiffiup sulissutigissavai isumaqatigiissutit, inatsisillu, sulivimmilu avatangiisit pillugit peqqussutit suliffeqarfinni atuutinneqarnissaat.

Imm. 4 Peqatigiiffimmut ilaasortat suliffeerunerisa, napparsimanerisalu nalaanni pisariaqartitaannik sullittassallugit.

Imm. 5 Peqatigiiffik katersuuffiussaaq sulisartut ataatsimoornissaannut kaammattoqatigiinnissaannullu.

Imm. 6 Peqatigiiffimmut ilaasortat pisinnaatitaaffii pillugit paasititsiniaasassalluni.

Imm. 7 Suliffinni isumaqatigiinnginnerni, soorlu inunnut aalajangersimasunut tunngatillugu suliaassani ilaasortat akuuffigisaanni, ilaasortat soqutigisaannik **SIK**-p allattoqarfia suleqatigalugu iller-suissalluni.

Imm. 8 Illoqarfimmi / nunaqarfiinnilu suliffinni sulisut sinniisaannik qinersisarnissaq qulakki-issallugu, aammalu sulisut sinniisaassa qinerneqartut aqqink SIK-p allattoqarfianut ilisimatitissuteqartassalluni.

Imm. 9 Sulisut sinniisaasa suliaat pillugit sulisitsisunik isumaqatigiissutit malinneqarnissaat qulakkiissallugu.

§ 3

Ilaasortat

Peqatigiiffimmut ilaasortaasinnaapput kikkulluunnit SIK-p malittarisassaani § 3-mi piumasaqatinik naammassinnittut,

Imm. 1 Ilaasortanngorneq pisassaaq immersugassamik immersuinikkut atsiornikkullu uppernarsarlugu.

Imm. 2 ilaasortaajunnaarnek, allamilluunniit allanngortoqarpat ilaasorta q pisussaavoq ilisimatitissalluni Peqatigiiffimmut.

Imm. 3 Peqatigiiffimmut Ilaasortaannermut akiliutissaq ataatsimeersuarnermi aalajangersaffigineqartassooq, Kattuffimmut SIK-mut akiliutaasartoq ilanngullugu akilerneqartassaaq.

§ 4

Ileqquusumik ataatsimeersuarnek

Peqatigiiffiup ataatsimeersuarnera tassaavoq Peqatigiiffimmut oqartussaanerpaaq.

Imm. 1 Ileqquusumik ataatsimeersuarnek ukiut sisamakkaarlugit ingerlanneqartassaaq, ataatsimeersuarnek ingerlanneqariissaaq qaammat marts naatinagu, ataatsimeersuarneq nalunaarutigineqassaaq ataatsimeersuarneq ullut 14-nit sioqqullugu allagarsiinikkut, kiisalu Sulisut Sinniisai aqqutigalugit suliffeqarfinnut ingerlatinneqartassalluni.

Imm. 2 Ataatsimeersuarnermi oqaaseqarsinnaallutillu taaseqataasinnaatitaapput ilaasortaannermut akiliummik naammassinnissimasut, ataatsimeersuarnermi najuutinngitsut allakkatigut qinersinnaanngillat.

Imm. 3 Ataatsimeersuarnermut oqaluserisassanngortitat allannguutissatullu siunnersuutit ataatsimeersuarneq ullunik 7-nik sioqqullugu siulersuisunut apuuttareersimassapput.

Imm. 4 Ataatsimeersuarnermi aqutsisussaq siulersuisuniit siunnersuutigineqartassaaq, taamaatorli immikkut pisoqartillugu ataatsimeersuaqataasut akornaanniit toqqaasoqarsinnaavoq.

Imm. 5 Ileqquusumik ataatsimeersuarnermi ingerlariaasissaq.

1. Peqatigiiffiup siullittaasuata ataatsimeersuarneq ammassavaa.
2. aqutsisussamik, imaqarniliortussamillu toqqaaneq.
3. Siulersuisut nalunaarutaat.
4. Naatsorsuutit kukkunersiukkat saqqummiunneri.
5. Siunnersuutit oqaluuserisassanngortitat oqallisigineri.
6. ilaasortaanermut akiliutit aalajangersaaffiginera.
7. missingersuutit saqqummiunneri, akuersissutiginerilu.
8. Siulersuisussanillu qinersineq.
 - a) Siulittaasoq.
 - b) Siulittaasup tullia.
 - c) Allatsimik qinersineq.
 - d) Siulersuisunut ilaasortat marluk
 - e) Siulersuisunut sinniisussat marluk
9. Taasariaqartut allat.
10. Siulittaasup ataatsimeersuarneq matussavaa.

§ 5

Ataatsimeersuarnermi aalajangersaanerit.

Peqatigiiffiup ataatsimeersuarnerani oqaluuserisat isumaqatigiinngissutit qinersinikkut aalajangi-
iffigineqartassapput, amerlanerussuteqartut aalajangigaat atuuttussanngortinneqassooq.

Imm. 1 Siulersuisunut qinersisoqartillugu naligiittoqarnerani makitsinikkut aalajangiisoqartasso-
oq.

Imm. 2 Ataatsimeersuarnermi peqataasup ataatsip piumasarippagu allakkatigut taasineq
ingerlanneqartassooq.

Imm. 3 Ataatsimeersuarnermi Peqatigiiffiup **SIK**-llu malittarisassaanut akerliusunik aalajanger-
saasoqarsinnaanngilaq.

Imm. 4 Peqatigiiffiup malittarisassai taamaallaat Peqatigiiffiup ataatsimeersuarnerani amerlan-
erussuteqartut akuersinerisigut allanngortinneqartassapput, allannguutissatullu siunnersuutigi-
neqartut allallugit saqqummiunneqarlutillu akuersissutigineqartassapput, allannguutit akuersis-
sutigineqarnerminiit atuuttussanngortinneqartassapput.

Imm. 5 Ataatsimeersuarnermi imaqarniliaq **SIK**-p allattoqarfianut nassiunneqassaaq kingusin-
nerpaamik ataatsimeersuarnermiit *sap.ak.* 3 qaangiutsinnagit.

§ 6

Immikkut ittumik ataatsimeersuarneq

Immikkut ittumik ataatsimeersuartoqartassooq siulersuisuni amerlanerussuteqartut tamanna pisariaqartippassuk, imaluunniit Sulisut Sinniisaasa pingajorarterutaasa ilaasortalluunniit pingajorarterutaasa atsiornermikkut tamanna piumasarippassuk, piumasarineqartoq ullormut oqalu-userisassamik siunnersuummik ilaqartinneqassaaq.

Imm. 1 Immikkut ittumik ataatsimeersuarneq ingerlanneqassaaq tamatuminnga piumasaqarnerup siulersuisunit tiguneqarneranit kingusinnerpaamik *sap.ak* 3 qaangiutsinnagit.

Imm. 2 Immikkut ittumik ataatsimiigiaqqusisoqassaaq sivikinnerpaamik ullut 14-nit sioqqullugit allagarsiinikkut, Sulisullu Sinnisai aqutigalugit suliffeqarfinni allagarsiinikkut nalunaarutearnikkut.

Imm. 3 Immikkut ittumik ataatsimeersuarnermi siulersuisunut qinersisoqarpat qinersineq ileqquusumik ataatsimeersuarnissap tulluuttup tungaanut atuutissaaq.

Imm. 4 Immikkut ittumik ataatsimeersuarnermi § 4 imm. 5 kiisalu § 5 imm. 4 malinneqassaput.

§ 7

Ataatsimeersuarneq ukiut tamaasa pisarteq

Peqatigiiffik ileqquusumik ataatsimeersuartarpoq ukiut 4-makkaarlugit, taakkulu akornanni § 7 malillugu ataatsimeersuarneq ingerlanneqartassaaq.

Imm. 1 Ataatsimeersuarneq § 7 ingerlanneqarnerani § 4 imm. 4 ilanngullugu malinneqassooq.

Imm. 2 Siulersuisuni ikinnerpaamik marlunnik tunuarsimasoqartillugu ilassutissanik qinersisoqartassaaq, ileeqquusumik ataatsimeersuarnissap tungaanut atasussanik.

Imm. 3 Ataatsimeersuarnermi suleriuseq § 5 malillugu ingerlanneqassaaq.

Imm. 4 Ataatsimeersuarneq ukiut tamaasa pisarteq ima ingerlanneqartassaaq.

- 1) Siulittaasup ataatsimeersuarneq ammassavaa.
- 2) Aqutsisussamik, imaqarniliuisussamillu toqqaanerit.
- 3) Siulersuisut nalunaarutaat.
- 4) Naatsorsuutit kukkunerisukkat saqqummiunneri.
- 5) Siunnersuutit oqallisigineri.
- 6) Ilaasortaanermut akiliutip aalajangersaaffiginera.

- 7) Missingersuutit akuersissutigitinneri.
- 8) Taasariaqartut allat.
- 9) Siulittaasup ataatsimeersuarneq matussavaa.

§ 8

Peqatigiiffiup siulersorneqarnera

Siulersuisut Peqatigiiffiup ulluinnarni aqunneqarneranut akisussaasuupput, pisussaallutillu Peqatigiiffiup, **SIK**-llu malittarisassai malillugit ingerlatsissallutik, aammalu § 2 malillugu sullis-sissallutik, taamattaaq siulersuisut malissavaat **SIK**-p ataatsimeersuarnerani, nakkutilliisoqarfeq-qarnerani, siulersuisuunernilu aalajangernerit kiisalu Peqatigiiffiup ataatsimeersuarnerani aalaj-angigaat sulissutigissallugit.

Imm. 1 Siulersuisut namminneq ulluinnarni suleriaasissartik aalajangersaavigissavaat, siulersuisut akornanni suliasat aalajangersimasut agguataarnissaannik minnerpaamik ilaqartussaq, kiisalu siu-lersuisut ataatsimiittarnissaannut sulisullu sinniisaannik ilaasortanillu ataatsimeeqatiginnittarnis-samik pilersaaruteqassallutik.

Imm. 2 Siulersuisut aalajangiisinnaassuseqarput siulersuisuni ilaasortat ikinnerpaamik affaat peq-ataagaangata, taasinerit naligiippata siulittaasup taasineri aalajangiisuusaaq, siulittaasup peqan-ginnerani siulittaasup tulliata taasineri aalajangiisuusaaq.

Imm. 3 Siulittaasoq Peqatigiiffiup ingerlanneqarneranut akisussaasuni qullersaavoq, siulersuisulli aalajangernerisigut tamanna siulersuisuni ilaasortanut allanut akisussaaffittut tunniunneqarsinna-alluni.

Imm. 4 Peqatigiiffiup ulluinnarni allaffissornikkut ingerlanneqarnera pillugu siulersuisut pisariaq-artunik aalajangiisassapput, tamatumani aamma allaffimmi sulisunik atorfinitsitsinerit soraarsits-inerillu pillugit aalajanngiinnerit.

Imm. 5 Siulersuisunut ilaasortat, siulittaasullu ajunngitsorsiassaat ataatsimeersuanermi missingersersuutit akuerisaasut iluanni aaqissuunneqartassapput.

Imm. 6 Siulersuisut allaffimmi atorfeqartitaqarunik akissaasersorneqarnera missingersersuutit ataatsimeersuanermi akuerisat iluanni akissarsiassai inissittassavaat isumaqatigiissuteqarnermik-kut atorfeqartitaminnut.

Imm. 7 Siulersuisut ataatsimiinneranni imaqarniliaq siulersuisuniit akuerineqartoq atsiorneqar-toq **SIK**-p allattoqarfianut nassiunneqartassaaq.

Imm. 8 Siulersuisunut ilaasortaq Naalakkersuisunut ilaasortatut toqqarneqaruni imaluunniit bormesterisut qinigaaguni siulersuisunut ilaasortaajunnaassaaq.

Imm. 9 Siulersuisunut ilaasortaq politikikkut suliaqarnini pissutigalugu allamilluunniit pissuteqarluni siulersuisunut ilaasortatut suliassaminik isumaginnissinnaajunnaartutut naliliiguni, taanna siulersuisunut ilaasortaajunnaarniarluni aalajangersinnaavoq.

Imm. 10 Siulersuisunut ilaasortaq Peqatigiiffiup aningaasaataanik atornerluisimasooq siulersuisunut ilaasortaajunnaarsinneqarsinnaavoq. Aningaasanik atornerluisimaneq ilaasortaajunnaarsitsinissaq pitinnagu Kattuffiup kukkunersiuisuanut uppernarsarneqassaaq, suliarlu ingerlatillugu siulersuisunut qinigassanngortissinnaanngilaq. Aammattaaq ilaasortaajunnaarsitsisoqarsinnaavoq siulersuisunut ilaasortaq paasissutissanik allagaatinilluunniit Peqatigiiffimmut ajoqutaasunik atornerqarsinnaasunik siulersuisunit akuerineqarani ingerlatiteqqiisimappat.

Imm. 11 Peqatigiiffiup siulittaasuata siulittaasutut atuukkunnaarpat siulittaasup tullia siulittaasutut atuutilissaaq ileqquusumik ataatsimeersuarnissap tungaanut, siulersuisullu sinnerisa inissisimanerat aamma tulluarsarneqassalluni, siulersuisunut sinniisussa q siulersuisutut inissisalluni.

Imm. 12 Peqatigiiffiup siulittaasuata atuukkunnaarnerani siulersuisut pisariaqartikkunikku immikkut ittumik ataatsimeersuarnikkut siulittaasussamik qinersititsinnaapput.

§ 9

Aningaasaqarneq, naatsorsuutit aamma kukkunersiui neq

Peqatigiiffiup ukiumoortumik naatsorsuutaasa qaammatisiutit ukiuat malissavaat.

Imm. 1 Siulersuisut Peqatigiiffiup naatsorsuutai akuersissutigisassavaat, taakkulu tamatuma kingorna ilisimatitissutitut ileqquusumik ataatsimeersuarnermi imaluunniit ukiut tamaasa ataatsimeersuarnermi saqqummiunneqassapput, naatsorsuutit kukkunersiuisumit SIK-p ataatsimeersuarnerani qinerneqarsimasumit kukkunersiorneqartassapput.

Imm. 2 Peqatigiiffiup naatsorsuuserissunneqarnera SIK-p allattoqarfiani naatsorsuuserisumit ingerlanneqassaaq, taanna aammattaaq Peqatigiiffiup konto-inut, netbankikkut isersinnaanermut akuersissummik peqartussaalluni, SIK-p allattoqarfiata qaammatit tamaasa naatsorsuutitut allatukkat anillatsillugit Peqatigiiffimmut nassiuttassavai.

Imm. 3 Peqatigiiffik sinnerlugu atsiorsinnaatitaavoq siulittaasooq aamma siulersuisut toqqagaat ataaseq. Taarsigassarsiaqarnermi aamma illuutigisamik tunisaqarnermi pisinermilu imaluunniit qularnaveeqqusiussinermi Peqatigiiffik sinnerlugu siulersuisunut ilaasortat tamarmik atsioqataasassapput.

Imm. 4 Peqatigiiffimmut ilaasortat immikkoortorta qarfiup pisussaaffigilersimasaannut inuttut ataasiakkaatut pisussaaffilerneqarsinnaanngillat.

§ 10

Ataqqinaammik ilaasorta qarneq

Peqatigiiffimmut ilaasortat kikkulluunniit Peqatigiiffimmut ataqqinaammik ilaasortannortussamik piukkussa qarunik siulersuisunut siunnersuuteqarsinnaapput.

Imm. 1 Ataqqinaammik ilaasortassatut siunnersuutigineqartoq Peqatigiiffeqarnikkut, sulisartoq-arnikkullu maligassaasutut isigineqartuussaqaq.

Imm. 2 Ataqqinaammik ilaasortannortoq Peqatigiiffimmut ilaasortaanermut akiliuteqartassanngilaq.

Imm. 3 Ataqqinaammik ilaasorta qar Peqatigiiffiup aaqissuinerannut sunulluunniit akiliuteqaaqqarani peqataatinneqartassaaq.

Imm. 4 Ataqqinaammik ilaasorta qar Peqatigiiffiup siulersorneqarnerani ilaasortaasassanngilaq, sulilluareerluni toqqissilluni aaqissuineranut taamaallaat peqataaginnartassamat.

Imm. 5 Ataqqinaammik ilaasorta qar toqkukut qimaguppat ataqqiniarlugu katinngatilisaarnikkut naasortaliinikkullu inuullu aqquneqassaaq, ila qutai akuersiseqqaarlugit.

§ 11

Peqatigiiffimik atorunnaarsitsineq

Peqatigiiffimik atorunnaarsitsineq taamaallaat ataatsimeersuarnermi pisinnaavoq, tassani atorunnaarsitsinissaq ullormut oqaluuserisassani allassimassalluni, ataatsimeersuarnermilu peqataasut 2/3-liisa siunnersuut akuerippassuk.

Imm. 1 Atorunnaarsitsinermi Peqatigiiffik akiitsoqarpat taakku akiligassa qarfinnut akilerneqasapput. Pigisat sinneruttut, tassunga ilanngullugit protokolit, il.il SIK-p allattoqarfianut tunniunneqassapput.

Malittarisassat akuersissutigineqarput ataatsimeersuarnermi

Ulloq 3 Maj 2018



Siulittaasoq:

Jacob A-01

Ataatsimeersuarnermi aqutsisoq

Henrik Hest